

# BOSNIĆ



MAGIJA



# SOLOMONOVI DŽINNI

ELEKTRONSKA  
BIBLIOTEKA

## **Umjesto uvoda**

# **GOETIA**

**G**oetija je jedna od najpoznatijih i najpopularnijih knjiga iz oblasti demonologije u kojoj su data detaljna objašnjenja osobina i moći 72 moćna duha podzemnog svijeta, koje je prizivao i nad njima vladao znameniti hebrejski kralj Salamon. U Goetiji, koja je zapravo samo dio veće knjige, poznate kao 'Lemegeton' ('Ključ kralja Salamona'), detaljno se opisuju načini prizivanja i gospodarenja nad ovim moćnim duhovima podzemlja.

Ovo je knjiga o Solomonovim džinnima (duhovnim bićima) nad kojima je hebrejski suveren vladao do svoje smrti.



● Bael i njegov pečat

## 1. BAEL

Jedan od 72 duha koje je Salamon, zbog neposlušnosti i oholosti, zatvorio u bronzano bure i bacio u jezero. Smatraju ga moćnim vladarom Orijenta, vođom zlih sila, koji predvodi 66 legija duhova. Pojavljuje se s ljudskom glavom, ali posjeduje moć da postane nevidljiv, a u stanju je i druge ljude učiniti nevidljivim. Obično ljude poučava kako da postanu mudri i neprimjetni. Zavisno od situacija, Bael se zna pojavljivati u različitim obličjima, najčešće s glavom žabe ili mačke, a ponekad i s tri ljudske glave. Govori promuklim glasom.



● Agares i njegov pečat

## 2. AGARES

Jedan od 72 duha koje je Salamun, zbog neposlušnosti i oholosti, zatvorio u bronzano bure i bacio u jezero. Agares je vojvoda moći Orijenta i predvodi 31 legiju demona. Obično se pojavljuje u obličju prijatnog starog čovjeka, koji se sporo i umorno kreće, jašući na krokodilu i noseći na ručnom zglobu pripitomljenog jastreba. Agares stvara one koji trče mirno, vraća odbjele bjegunce, podučava stranim jezicima, uništava duhovne i svjetovne časti. Vjeruje se da Agares uzrokuje podrhtavanje tla i zemljotrese čini tragičnim. Ima moć da dezertere vrati u svoje jedinice i da u neprijateljskim redovima izaziva paniku.



- Vassago i njegov pečat

### 3. VASSAGO

Jedan od 72 duha koje je Solomon, zbog neposlušnosti i oholosti, zatvorio u bronzano bure i bacio u jezero. Kako navode drevni istraživači magičnih učenja, Vassago je moćni princ koji po prirodi liči na Agaresa. On je, navodno, u stanju da događaje proglašava prošlim ili sadašnjim. Može da utiče na buduće događaje. Vjeruje se da je spreman da otkrije i pronade ono što je izgubljeno, nestalo ili sakriveno. Vassago je veoma prijatne vanjštine i dobre prirode. Zapovjednik je 26 legija duhova.



- Samignia i njegov pečat

## 4. SAMIGINA

Samigina je četvrti duh Goetije. Židovi su ga smatrali Sveoma opakim dzinnom, koji je svojom pojavom stvarao metež i širio strah gde god bi se pojavio. Nosio je još jedno ime – Gamin. Gdje god bi se pojavio želio je da zagospodari i da stvari rješava podmuklim ili nasilnim putem. Inače, najčešće bi se pojavljivao u liku neukrotivog konja ili magarca, ali ukoliko bi mu čarobnjak tako naredio – Samigina je mogao da uzme i obličje ljudskog stvorenja i da bude veoma krotak i poslušan. Ta čudesna metamorfoza, činila ga je još opasnijim i niko mu nije upotpunosti vjerovao. Mogao je uspješno da podučava liberalnim znanostima i skuplja duše umrlih u grijehu da po njegovom naređenju ispunjavaju određene zadatke. U Paklu, Samigina visoko kotira i nosi titulu markiza, glas mu je – kada se obraća – grub i hrapav.



● Marbas i njegov pečat

## 5. MARBAS

Jedan od 72 duha (neki ga nazivaju Barbas) koje je Salamon, zbog neposlušnosti i oholosti, zatvorio u bronzano bure i bacio u jezero. Marbas se, prema drevnim predanjima, najčešće pojavljuje u obličju ljutitog i moćnog lava, a prema potrebi zna se da preruši i u čovjeka. Vlada nad 36 legija duhovnih bića, ali kada se s njim razgovara, navodno, uvijek odgovara iskreno, a pogotovo kada je riječ o tajnama i skrivenim stvarima. Izvanredno se razumije u mehaniku i izradu različitih stvari. Vjeruje se da Marbas donosi mudrost, uzrokuje (ali i liječi) mnoge bolesti, podučava različitim vještinama i može ljude pretvarati u različite oblike, uključujući i da im daje izgled svake životinje.